

Usurbilgo Udala

2017KO MARTXOAREN 28AN EGINDAKO OHIKO BILKURAKO AKTA

BERTARATUAK

Alkate-Lehendakaria

Xabier Arregi Iparragirre

Zinegotziak

Alaitz Aizpurua Labaka
Jone Urdampilleta Urdampilleta
Iñaki Ugarte Agirre
Miren Josune Estella Arranz
Irene Garcia Palacios
Jose Mari Iribar Zapirain
Josune Urkola Larrarte
Mirari Azurmendi Sorazu
Andoni Atxega San Sebastian
Carlos Perez Fraisoli
Fermin Orue-Echevarria Iturri

Idazkaria: Garazi Etxeberria San Miguel

Kontu-hartzailea: Karmele Lizaso Ubera

Ezin-etorria adierazi du: Xuban Zubiria Elexpek

Arratsaldeko 18:00etan batzarrari hasiera eman zaio.

Usurbilen, 2017ko martxoaren 28an, arratsaldeko 18:00etan, Udaletxeko Pleno Aretoan, Usurbilgo Udaleko ohiko Udalbatza Plenoa egiteko goian adierazten direnak lehen deialdian bildu dira.

Bertaratuak bezala goian agertzen diren zinegotziak batzarkide direlarik, Xabier Arregi Iparragirre izan da Batzarburua.

1.- AURREKO BILKURAKO AKTAREN ONESPENA:

* 2017/02/28KO BILKURA.

Batzarkideek, 2017ko otsailaren 28ko bilkurako akta aho batez onartu dute.



Usurbilgo Udala

2.- ALKATETZAKO DEKRETU HAUEN BERRI EMATEA: 2017KO OTSAILAREN 20TIK MARTXOAREN 17RA (2017/0158-2017/0263).

Alkatetzak 2017ko otsailaren 20tik martxoaren 17ra bitartean (2017/0158– 2017/0263) egindako dekretuen berri eman zaie bertaratutakoei.

Zinegotziak jakinaren gainean geratu dira.

3.- UDALAK HILERRI BERRIAN HILOBIEN GAINEKO ESKUBIDEAK ESLEITU AHAL IZATEKO LOTE BERRI BATEN ESKAINTZA (9. LOTEA).

Alkateak adierazi du Zerbitzuetako batzordetik pasa zela gai hau eta, gerora, baita Antolakuntza batzordetik ere.

Jarraian, Jone Urdanpilletak irizpenari buruzko azalpenak eman ditu. Bi batzordetara eramatearen arrazoia izan dela dio hasieran diktaminatu zenetik aldaketa bat gertatu dela, hau da, eskaintzan bi nitxo gutxiago daudela. Izan ere hilerrri zaharretik berrirako emakidaren erreskatean herriko familia batek eskaera bat egin du eta horri erantzuteko aipatutako bi nitxoak 9. lote honetatik atera egin direla zehaztu du.

Hilerrri zaharra hustutzen ari diren honetan eta aurretik bi eskaera ere bazeudela kontutan izanda, momentu egokia iruditu zaiela dio 9. lotearen eskaintza egiteko.

Ondoren, pleguetan jasota dauden baldintzak eta xehetasunak aipatu ditu.


Irizpenaren lehenengo puntuan errata bat dagoela esan du, Sahatsa kalea 8, ezkerra aipatzen da baina zuzena Sahatsa kalea 8, eskuina dela zehaztu du.

Josune Urkolak galdetu du gehienez ere 50 urterako dela esaten denean zer esan nahi den, ea posible den 20 urterako.

Jone Urdanpilletak erantzun dio orain arte horrelako eskaerarik ez dela izan, 50 urterako jarrita dagoela esan du.

Alaitz Aizpuruak, argitze aldera, adierazi du hilerrri zaharra hustutzen ari diren momentu honetan, bazeudela hor “perpetuo” ziren batzuk eta horiek likidatu egin behar izan direla azaldu du, hori dela eta 50 urteko epea jartzen zaie eta epe hori pasa ondoren eskubiderik gabe geratuko dira.

Idazkariak azaldu du lehen ez zela eperik jasotzen, batzuk “a perpetuidad” zeudela, beste batzuk 99 urterako, baina legeak 75 urteko muga jartzen duela eta Usurbilgo



Usurbilgo Udala

hilerriko araudian 50 urteko epea jasota dagoela zehaztu du. Hala ere, 50 urterako eman eta epe hori baino lehen uko egin diezaiokeela esan du.

Batzarkideek, Zerbitzuak eta Obrak batzorde informatzailearen irizpena aztertu dute eta aho batez onartu dute, honela dio testuak.

“Esp. zk.: HZ.06/2017-0109

Aurrekoak

1.- Apirilaren 2ko 7/1985 Legeak, Toki Jardunbidearen Oinarriak arautzen dituenak, bere 22.1.d) eta 49 ataletan emandako ahalmenez baliaturik, Usurbilgo Udalak hilerri berriaren Erregimen eta Funtzionamendua arautzen dituen Ordenantza Nagusia 2000ko irailaren 26an egindako bilkuran behin betikoz onartu zuen (2000ko azaroaren 16ko GAOn argitaratua).

Arautegi horrek bi aldaketa izan zituen. Bata kolunbarioak arautzeko egin zen. Plenoak 2002ko urriaren 29an onartu zuen aldaketa hasieraz eta jendaurrean jarri zuen. Iragarkia 2002ko abenduaren 4ean argitaratu zen GAOn. Jendaurreko epealdian alegaziorik egon ez zenez, aldaketa behin betikoz onartutzat jo zen.

Bestea 2007ko irailaren 20ko GAOn argitaratu zen. Azken honetan Usurbilgo hilerri berrian lurperatzeko eskubidea nortzuk izango duten finkatzen da. Horretarako, arautegian artikulua berri bat sartu zen 12 zenbakiarekin eta honako testuarekin:

Usurbilgo hilerri berrian enterramendu aukera izango dute:

- 1.- Jatorriz Usurbilgoak direnak.***
- 2.- Gutxienez 15 urtetan Usurbilen erroldaturik egon direnak.***
- 3.- Usurbilen erroldaturik daudenak hiltzeko momentuan.***

2.- Beste aldetik, lotez lote hilerri berriko panteoi edo hilobiak erabiltzeko eskubideak esleitzen joan da Udala dagokion espedienteak izapidetu ostean.


Orain arte 8 lote eskaini dira eta honako esleipenak egin dira:

1. LOTEA

AIZPURUA URANGA, IGNACIO
ZALDUA ITURZAETA, MARIA JESUS
Sahatsa kalea, 9 (seiko hilobia)

AÑORGA GALARRAGA, ANGEL
Makala kalea, 12 (seiko hilobia)

ZALDUA ZALDUA, ELENA
Sahatsa kalea, 11 (seiko hilobia)



Usurbilgo Udala

ARRUTI SANTAMARIA, ASCENSIO
LARZABAL URDANPILLETA, JUANA
Makala kalea, 10 (seiko hilobia)

MAYOZ ILLARRAMENDI, PEDRO MARI
ETXEBERRIA-BERREYARZA ZALDUA, LUCIA
Altzifrea kalea, 11 (seiko hilobia)

OLASAGASTI MUJIKA, FELIX
Makala kalea, 14 (seiko hilobia)

ARRUTI LIZASO, JOSE FRANCISCO
USTOA GARTZIARENA, LUISA
Altzifrea kalea, 13 (hiruko hilobia)
Eskuina

AIZPURUA URANGA, ANTONIO
Sahatsa kalea, 12 (seiko hilobia)

ZALDUA ALTUNA, JOSE LUIS
URDAMPILLETA SANTA CRUZ, M^a ISABEL
Sahatsa kalea, 10 (seiko hilobia)

AIZPURUA ZALDUA, IÑIGO
INTXAUSTI URRUZOLA, NEKANE
Sahatsa kalea, 13 (seiko hilobia)

BORDA TORREGARAY, JOSE ANTONIO
Sahatsa kalea, 14 (seiko hilobia)

GARMENDIA ALBERDI, MARIA CARMEN
Altzifrea kalea, 13 (hiruko hilobia)
Ezkerra.
(Azken honek uko egin zion emakidari).

2. LOTEA

Luis Maria Lizaso Gaztelumendi eta Maria Jesus Urkiola Cestau
Altzifrea kalea, 9 (bi hilobi)

Joseba Ignacia Lizaso Peñagarikano
Altzifrea kalea, 9 (bi hilobi)

Juana Lizaso Peñagarikano
Altzifrea kalea, 9 (bi hilobi)

6 hilobi horiek panteoi berdinean

Nieves Irazusta Agote eta Aizpurua Irazusta Senideak
Altzifrea kalea, 10 (6 hilobiko panteoi bat)

Miren Arantxa, Itziar eta Angela Maria Vitoria Aranguren
Altzifrea kalea, 12 ezkerre (10. kalearen aldekoa)(3 hilobi 6ko panteoian)

3. LOTEA



Usurbilgo Udala

Hirugarren lotea ere atera zuen Udalak dagokion espedienteaz izapidetu ostean. Espediente honen bitartez lau panteoi eskaini ziren emakida moduan emateko. Hala ere, lizitazio honetan eskaera bakarra aurkeztu zen. Hiru nitxo, hilobi osoaren erdia esleitu zitzaion honako Usurbildarrari:

Elena Martiartu Aranguren

Altzifrea kalea, 12 eskuina (3 hilobi 6ko panteoian)

Dena den, lote honen emakida ez da gauzatu.

4. LOTEA

Laugarren lote honetan eskeinitakoak honakoak izan ziren:

- Altzifrea kalea, 13ko 3 hilobi edo panteoi erdia
- Altzifrea kalea, 14ko 6 hilobi edo panteoi osoa.

Lehiaketan ez zen inor aurkeztu baina lehiaketa egin zenetik urtebete pasa baino lehen, eskaera bat jaso zen eta zuzeneko prozedura erabiliaz, honako esleipena egin zen:

ANGEL MAIZ LAZKANO, MARTIN ARRILLAGA MARTIN eta IZASKUN MAIZ LAZKANO senideak

Altzifrea kalea, 14 (6 hilobiko panteoi osoa)

Demanda berri baten aurrean txosten bat eskatu zitzaion udal aparejadoreari, emakida administratiboaren erregimenean lote berri bat eskaini aurretik hilerriko nitxoan okupazio maila jakitearren.

5. LOTEA

Beraz, 5. lote bat eskaintzeko aukera bazegoela ikusi zen eta Zerbitzu Batzordeak honako hilobiak eskaintzea proposatu zuen:

- Altzifrea kalea, 13 ezkerre (3 hilobi edo panteoi erdia).
- Altzifrea kalea, 7 (6 hilobiko panteoi osoa).
- Altzifrea kalea, 5 (6 hilobiko panteoi osoa).
- Altzifrea kalea, 3 (6 hilobiko panteoi osoa).

Prozedura baten ondoren, honakoak gertatu ziren esleipedun:

BURDEOS-ko SAGRADA Familiaren Konkregazioa

Altzifrea kalea, 7 (6 hilobiko panteoi osoa)


FRANCISACO SANTIAGO NIETO

Altzifrea kalea, 5 eskuina (hilobi bakar 6ko panteoian).

6. LOTEA

6. lotean honako hilobiak eskaini ziren:

- Altzifrea kalea, 13 ezkerre (3 hilobi edo panteoi erdia)
- Altzifrea kalea, 5 (5 hilobi)
- Altzifrea kalea, 3 (6 hilobiko panteoi osoa)



Usurbilgo Udala

- Altzifrea kalea, 1 (6 hilobiko panteoi osoa)

Prozedura baten ondoren, honakoak gertatu ziren esleipendun:

ANA MARI ZUMETA ETXEBERRIA
Altzifrea kalea, 1 (6 hilobiko panteoi osoa)

MARIA LUISA ETXEBERRIA BERREIARTZA
Altzifrea kalea, 3 (5 hilobi 6ko panteoian)

MIREN IONE REKONDO AIZPURUA
Altzifrea kalea, 3 (hilobi bakarra 6ko panteoian)

ANGELA IBARGOIEN ALZAGA
Altzifrea kalea, 5 ezkerre (hilobi bakarra 6ko panteoian)

7. LOTEA

7. lotean honako hilobiak eskaini ziren:

- Altzifrea kalea, 5 eskuina (2 nitxo)
- Altzifrea kalea, 5 ezkerre (2 nitxo)
- Altzifrea kalea, 12 eskuina (3 nitxo)
- Altzifrea kalea, 13 ezkerre (3 nitxo)

Prozedura baten ondoren, honakoak gertatu ziren esleipendun:

JOSE MARIA, FERNANDO eta ARANTZA ARRIOLA BERGARETXE anai-arrebak
Altzifrea kalea, 5 - esk. 2 (nitxo 1)

8. LOTEA

8. lotean honako hilobiak eskaini ziren:

- Altzifrea kalea, 5 - esk. 3 (nitxo 1)
- Altzifrea kalea, 5 - ezk. 2 (nitxo 1)
- Altzifrea kalea, 5 - ezk. 3 (nitxo 1)
- Altzifrea kalea, 12 - ezk. 1 (nitxo 1)
- Altzifrea kalea, 12 - ezk. 2 (nitxo 1)
- Altzifrea kalea, 12 - ezk. 3 (nitxo 1)
- Altzifrea kalea, 13 - ezk. 1 (nitxo 1)
- Altzifrea kalea, 13 - ezk. 2 (nitxo 1)
- Altzifrea kalea, 13 - ezk. 3 (nitxo 1)

Prozedura baten ondoren, honakoak gertatu ziren esleipendun:

MIREN ARANTXA, ANGELA MARIA eta MARIA ICIAR VITORIA ARANGUREN ahizpak
Altzifrea kalea, 12 - ezk. (3 hilobi 6ko panteoian)

Honela, Altzifrea kalea 12ko panteoi osoa, 6 hilobiak, Vitoria Aranguren ahizpei dagozkie.

Oraingoa, 9.lotea



Usurbilgo Udala

Demanda berriak izan dira eta Zerbitzuak eta Obrak Batzordeak 9. lotea ateratzea erabaki du. Oraingo lote honetan, eskaintzen diren hilobiak honako hauek dira:

- Altzifrea kalea, 5 eskuina (hilobi 1)
- Altzifrea kalea, 5 ezkerria (2 hilobi)
- Altzifrea kalea, 13 ezkerria (3 hilobi edo panteoi erdia)
- Sahatsa kalea, 5 ezkerria (hilobi 1)
- Sahatsa kalea, 8 eskuina (3 hilobi edo panteoi erdia)
- Makala kalea, 2 (6 hilobiko panteoi osoa)
- Makala kalea, 4 (6 hilobiko panteoi osoa)
- Makala kalea, 6 (6 hilobiko panteoi osoa)
- Makala kalea, 8 (6 hilobiko panteoi osoa)

Prozedura

Emakidak ofizioz edo partikularren eskariaz jar daitezke martxan. Kasu honetan ofizioz egiten da baina hilobiak eskuratzeko dagoen demanda kontutan hartuz.

Hilobiak, **zeharkako kudeaketa erregimenean** eta **kontzesio bidez esleitu nahi dira**. Beste aldetik **jardunbide irekia** aukeratu da eta kontratuaren ezaugarriak kontutan izanik, esleipena **zozketa** bidez egingo da.

Horretarako hilobien eskubideak esleitzeko bete beharreko Lege, Ekonomi eta Administrazio Baldintzen Orriak prestatu dira. Egingo den jardunbidearen ondoren esleipen-hartzaile gertatzen diren lagunei eraikitako hilobien gaineko eskubideak emateko modua arautzen da baldintza orriotan.

Baldintza horietan xedatutakoaren arabera, emakidak gehienez 50 urte iraungo du, esleipena formalizatu eta dagokion kanona ordaintzen denean hasten delarik hilobien erabilera. Udalak hala erabaki zuelako onartutako Ordenantzan.

Hilobiek erabilera pribatua izango dute baina Jabetza eskubidea kasu guztietan salbu gelditzen da, herri jabetzako ondasunak direlako.

Emakidan emango den hilobi bakoitzaren prezioa **2.590€**koa da, (6ko panteoi osoak **15.540€**ko prezioa du), Udal honek onarturiko 2017ko Ordenantza Fiskalekin bat etorriz.

Edozein kasutan, Sektore Publikoko Kontratuen Testu Bategina onartzen duen azaroaren 14ko 3/2011 Legegintzako Errege Dekretuan xedaturikoa jarraituz eta azaroaren 3ko 33/2003 Administrazio Publikoen Patrimonioaren Legeko 93. artikulua eta ondorengoetan jasotakoaren arabera esleituko da emakida.

Atal horretako 93. artikuluan, honela xedatzen da:

- *El otorgamiento de concesiones sobre bienes de dominio público se efectuará en régimen de concurrencia. No obstante, podrá acordarse el otorgamiento directo en los supuestos previstos en el artículo 137.4 de esta Ley, cuando se den circunstancias*



Usurbilgo Udala

excepcionales, debidamente justificadas, o en otros supuestos establecidos en las leyes.

- *Cualquiera que haya sido el procedimiento seguido para la adjudicación, una vez otorgada la concesión deberá procederse a su formalización en documento administrativo.*
- *Las concesiones se otorgarán por tiempo determinado. Su plazo máximo de duración no podrá exceder de 75 años, salvo que se establezca otro menor en las normas especiales que sean de aplicación.*

Araudi aplikagarria

- Hilerrri Berriaren Erregimen eta Funtzionamendua arautzen duen Arautegi Nagusia.
- Hilerrri berriko hilobien gaineko eskubideak esleitzeko bete beharreko Lege, Ekonomi eta Administrazio Baldintzen Orri bereziak. Jardunbide hau arautuko dutenak.
- Azaroaren 3ko 33/2003 Patrimonioren Legea (93. artikulua eta jarraipenekoak).
- Sektore Publikoko Kontratuen Testu Bategina onartzen duen azaroaren 14ko 3/2011 Legegintzako Errege Dekretua.
- Erregimen Lokaleko Oinarriak arautzen dituen apirilaren 2ko 7/1985 Legea eta Erregimen Lokalari dagokionez, indarreko ebazpenen Testu Bateratua onesten duen apirilaren 18ko 781/1986 Errege Dekretu Legegilea, Sektore Publikoko Kontratuen Testu Bateginaren aurka ez doan heinean.
- 1.955eko ekainaren 17ko Toki Korporazioetako Zerbitzuen Erregelamenduaren 114tik 137rainoko atalak, Sektore Publikoko Kontratuen Testu Bateginaren aurka ez doan heinean.
- Izaera osagarritz, Zuzenbide Administratiboko gainontzeko arauak eta, hauek ezean, *Zuzenbide Pribatukoak* izango dira indarrekoak.
- Ekainaren 13ko 1372/1986 Errege Dekretua, Toki Erakundeen Ondasunei buruzko Araudia.

Beraz, guzti hori ikusirik, Zerbitzuak eta Obrak Batzordeak 2017ko martxoaren 09an egindako bileran aho batez, Jone Urdanpilleta, Joxe Mari Iribar, Mirari Azurmendi eta Fermin Orue-Echevarriaren aldeko botoekin, Udaltzarrari egindako irizpena kontutan hartuta, honek honako erabakia hartu du aho batez:

ERABAKIA

LEHENA: Hilerrri berriko hilobien [Altzifrea kalea, 5 eskuina (hilobi 1), Altzifrea kalea, 5 ezkerria (2 hilobi), Altzifrea kalea, 13 ezkerria (3 hilobi edo panteoi erdia), Sahatsa kalea, 5 ezkerria (hilobi 1), Sahatsa kalea, 8 eskuina (3 hilobi edo panteoi erdia), Makala kalea, 2 (6 hilobiko panteoi osoa), Makala kalea, 4 (6 hilobiko panteoi osoa), Makala kalea, 6 (6 hilobiko panteoi osoa), Makala kalea, 8 (6 hilobiko panteoi osoa)] **esleipenerako eta kontratazio-espeditentea izapidetzeko** Usurbilgo Udaleko organoak duen ahalmena onartzea eta beregain hartzea, zeharkako kudeaketa erregimenean, emakida administratiboaren jardunbidea martxan jarriaz.



Usurbilgo Udala

BIGARREN: Aipatutako hilobien eskubideak EMAKIDA ADMINISTRATIBOAREN bidez esleitzeko jardunbidea arautuko duten KLAUSULA JURIDIKO EKONOMIKO ETA ADMINISTRATIBO BEREZIAK, ONARTZEA.

HIRUGARREN: Lizitaziorako espedientea irekitzea eta eskabideak aurkezteko deialdia egitea, iragarkia Gipuzkoako Aldizkari Ofizialera eta egunkarietara bidaliz. Lehiaketan parte hartzeko eskabideak, iragarkia Gipuzkoako Aldizkari Ofizialean argitaratu eta hogeita hamar egun iragan baino lehen aurkeztu beharko direlarik.”

Bozketa egin denean, honako emaitza izan da:

Aldeko botoak: Xabier Arregi Iparragirre, Alaitz Aizpurua Labaka, Jone Urdampilleta Urdampilleta, Iñaki Ugarte Agirre, Miren Josune Estella Arranz, Irene Garcia Palacios, Jose Mari Iribar Zapirain, Josune Urkola Larrarte, Mirari Azurmendi Sorazu, Andoni Atxega San Sebastian, Carlos Perez Fraisoli eta Fermin Orue-Echevarria Iturri.

Beraz, erabakia aho batez hartu da.

4.- MOZIOA: ALTSASUKO GERTAERAK.

Alkateak adierazi du Altsasun gertatutako liskar bati buruzko mozioa dela eta testuan esaten den moduan azpimarratu du, batetik, mozioaren espiritua ez dela inondik ere gertatutakoa justifikatzea, baizik eta deitoratu egiten dela eta, bestetik, inplikaturako pertsona guztiekiko solidaritatea adierazten dela.

Jarraitu du esanez liskar horiei eman zaien izaera gaitzetsi nahi dela mozioan, izan ere zenbait auzitegi Altsasun gertatutakoa terrorismotzat hartu dute eta horri buruz mozioan esaten da hori lekuz kanpo dagoela.

Aste honetan prentsan agertu den moduan, Nafarroako auzitegiak ere antzeko balorazioa egin du esanez Altsasun gertatutakoa ezin dela terrorismotzat hartu.

Azken erabakia Auzitegi Gorenaren esku geratu dela aipatu du.

Jarraian, mozioaren hiru puntuak irakurri ditu.

Fermin Orue-Echevarriak adierazi du batzordean azaldu zuen moduan, aste honetan jakin dutela Nafarroako Auzitegiak erabaki duela auzia Auzitegi Nazionalera eramatea komeni zela, eta berari iruditzen zitzaion gehiegi dela terrorismo moduan kalifikatzea.

Hala ere, iruditzen zaio Udal moduan ez dagokigula guri esatea epaileari non edo zein epaitegitan epaitu behar dituzten. Epaileek erabakitzen dutena errespetatu behar dugula esan du, eta epaituen kasuan, ez badaude ados, beraien abokatuak errekurtsioa aurkezteko aukera dutela gehitu du.



Usurbilgo Udala

Zigor prozesua modu horretan izapidetzea ez zaio Zuzenbidezko estatu bati egokitzen, hain zuzen ere erabili diren lege-interpretazio eta aplikazio-irizpideak urruti daude zuzentasunetik. Horregatik, gure desadostasun kritiko argia agertzerara behartuta gaude. Jarrera bortitz errefusagarriari ezin zaie erantzun erabat neurrigabe diren erabakiekin epaile eta auzitegien aldetik. Halako egoera bortitzei irakurketa interesatua eman izan zaie, gaiaren azterketa judiziala Entzutegi Nazionalaren jarduera eremura eramateko intentzioarekin terrorismotzat joz. Horrek, berez, epaile naturalaren printzipioari kalte egiten dio. Hots, Nafarroako epaile eta auzitegiei dagokie bere lurralde eremuan gertatutako auziak ebaztea, eta ez Entzutegi Nazionalari. “Justiziaren” berezko eremua galtzearen adibide berri tamalgarri baten aurrean gaude. Eta horrek jardunean dabilen organo judizialaren deslegitimazioa dakar, gizarte demokratiko batean nahitaezkoak behar luketen eskakizunetatik urrunduz. Egoera hau “etsaiaren zuzenbide penalaren” adibide berri bat da. Neurrigabeko erantzuna eman zaie inola ere aurreikusi gabeko egitate batzuei, soilik ulergarriak gertatutako ingurumariari erreparatuta, hots, taberna jakin bat, gabeko ordu txikietan, eta behar bada baldintza fisikorik egokienetan ez zegoen jendea tarteko.

Horiek horrela, inplikaturako pertsona guztiekiko gure solidaritatea agertu nahi dugu, hala nola familiekin, Altsasuko hiritarrok eta baita bere Udalarekin ere. Altsasuko hiritarrek eta baita bere Udalak ere bake eta bizikidetzaren aldeko konpromisoak agertu dituzte ezbairik gabe.

Ikuspuntu juridikotik begiratuta ere, kritikatzeko modukoa da epaitegien interbentzio hau. Izan ere ez da posible herritarren eskubideen berme izan behar duten Epaitegiak eurak izatea haien gutxiesle. Halako jokabideek instituzio demokratikoen erantzun argia merezi dute.

Horregatik:

1-Usurbilgo Udalak, bere elkartasuna eskaini nahi dio Nafarroako Legebiltzarrak, Altsasuko Alkatea (Javier Olló Martínez) eta idazkiaren sinatzaileak (Sonia Ontoria abokatuak, Iñaki Lasagabaster UPV/EHUko katedraduna eta Altsasurekin elkartasuna Platarmomako kideak) ordezkatzen duten gizarte zibilak luzatu duten deiarri.

2- Altsasun 2016ko urrian izandako gertaerak direla eta, zenbait gazte terrorismo delituagatik inputatuak izan ziren eta prozesu horren izapideak Iruñean egitea eskatzen dugu, izan ere, epaitzeko eskumena tokian-tokiko epaitegiei baitagokie eta ez Entzutegi Nazionalari.

3-Erabaki honen berri emango zaie Nafarroako Gobernuako Lehendakariari, Funtzio Publikoak, Barne gaiak eta Justizia arloetako Sailburuari eta elkartasun taldeari, ondorengo helbideetan: gabinete.pji@navarra.es eta altsasu2016.10@gmail.com”

Bozketa egin denean, honako emaitza izan da:



Usurbilgo Udala

Aldeko botoak: Aldeko botoak: Xabier Arregi Iparragirre, Alaitz Aizpurua Labaka, Jone Urdampilleta Urdampilleta, Iñaki Ugarte Agirre, Miren Josune Estella Arranz, Irene Garcia Palacios, Jose Mari Iribar Zapirain, Josune Urkola Larrarte, Mirari Azurmendi Sorazu, Andoni Atxega San Sebastian eta Carlos Perez Fraisoli.

Abstentzioa: Fermin Orue-Echevarria Iturri.

Beraz, mozioa gehiengoz onartu da.

5.- GALDERA-ESKAERAK.

Alkateak aipatu du Korrika apirilaren 4ean 11:30ean iritsiko dela Usurbilera eta Udalak kilometro bat hartuko duela, hain zuzen ere, Dia supermerkatutik Mahaspildegiraino. Euskararen alde kilometro horretan parte hartzera gonbidatu ditu zinegotziak.

Josune Urkolak Zumarteko proiektuari buruz galdetu du eta ea ikusi daitekeen.

Alkateak erantzun dio proiektua ikusi daitekeela. Momentu honetan dagoena oinarrizko proiektua dela zehaztu du eta horrek eskatzen duena da finantziazioa finkatzen joatea, gero exekuzioari begirako tramiteak egin ahal izateko.

Oinarrizko proiektu honek, aurre proiektuarekin alderatuta, ez duela aldaketa esanguratsurik ekarri adierazi du.

Gaineratu du Hirigintza batzorde bat ere egin zutela proiektua aurkezteko.

Proiektua udal arkitektoaren eskuetan dagoela, berarengana hurbildu eta aurkeztuko diela esan die.

Alaitz Aizpuruak gaineratu du Zumarterekin lantzen ari direla datozen bi ikasturteetarako behintzat leku aldaketa egitea. Ahal den neurrian ikastolan birkokatuko direla azaldu du.

Alkateak batzarraldia bukatutzat eman du arratsaldeko 18:24ean eta bilera agiri hau jaso da, alkateak izenpetuz eta nik, idazkariak, ziurtatuz.